

劒

筭

劍筴第四卷標目

潛聽篇

凡三十九事  
凡四十四條

繇余氏墓劍

鵠唳劍

索劍唾

劍藏柱

孕劍

劍頭相齧

劍筴

卷四

一

劒寐龍

上陵磨劒

拭劒得璧

曲房劒

劒走石人

月中人帶劒

星神劒

使木人擲劒

劍當衢

錢中人帶劍

靈坐劍

舞劍煞鬼

菴孟劍

烏吞劍

泥犁火劍

奮劍斬麴生

跳劒

劒魚

逐鵝得劒

冢中人運劒

劒剖涎中人

天人看劒

劒如風

劒對二

飛劍刺鼉城

劍斷大人指

戲場劍

黃腰劍

真真避劍

像代劍

雨爲劍

劍迹

識劍石



劔筴第四

明輯錢希言譌輯 梁谿鄒迪光訂正 武陵楊鵬授錄

濫聽篇

奇可而怪絕世弘博  
匪浮弗誣猶曰濫聽

笑曰曼倩辨騶牙終童察鼯鼠諸葛恪  
識侯囊王子良證服匿斛斯徵別錚于  
劉士深知長頸王事古今聖賢侈于博  
物如是乎然天下事物之變至于不可  
窮詰固有聖人之所不及知而禹益齊



諧之所莫能辨者存而勿論非虛語矣  
夫權輿之內有大則有小有正則有奇  
論劍而不言奇小豈所以示正大哉則  
何以異于見布而疑廣觀斲而駭異者  
歟此其識豈出胡人越人上也于是撫  
春秋之文以迄唐季取其詭異著之斯  
篇虞初黃衣實侯寔儻辟諸膾炙美于  
羊棗詩曰不可畏也伊可懷也筴濫聽

繇余氏墓劔

蘇州節度使錢元鏐之猶子文炳爲元帥  
府判官檢校禮部尚書顯德中入京供奉  
飽文學善應對尤精青島之術開珪五年  
妻丘奄化訪吉兆于報恩禪宅之側古松  
區中僧常忝者共疑叢薄据岡當必昔賢  
墳窆不可重營炳執不從董役發之果古  
墓道版石數重梓蘆灰盡惟一骸亞石間

長逾丈所脛且三尺明比南金東一銅鐺  
傍縷青花西壁劒器亦且敗毀惟環在靶  
佳玉所成合抱夫容瑩然精白炳心尤愛  
不聽役入因酌而下將攬其環忽一黑蜂  
狀如耗丸從劒下螫炳右眉間尋見悶絕  
輿還乃卒泰具掩之翌朝炳之丕子知玄  
方伸號躡遽亦冥然見一丈夫道見古野  
身度丈餘魚鱗之甲足色如金徒跣挺劒

前語玄曰我帝堯之臣繇余氏也與陶臣  
氏烏陀氏佐禹理水以功封吳獲葬于茲  
當時此地乃海東漸之山也宅兆臣吉居  
之且安柰何而父劉復發吾版石顧已非  
義而乃更欲奪吾玉槨罪孰甚焉雖今擊  
死然方隸吾籍吾于冥間大有主治而父  
且無苦宜勿念悼知玄始甦

路史

鵠嘯劍

齊桓公獵得一鳴鵠宰之嗉中得一人長  
三寸三分著白袿之袍帶劒持刀罵詈瞋  
目問羣臣曰天下有此小兒否陳章答曰  
昔李子昂教于鳴鵠嗉中游長三寸三分

姜子  
春秋

西海之外有鵠國焉男女皆長七寸爲人  
自然有禮好經論拜跪其人皆壽三百歲  
其行如飛日行千里百物不敢犯之唯畏

海鵠過輒吞之亦壽三百歲此人在鵠腹中不死而鵠一舉千里

華曰陳章與齊桓公論小兒也

神

異經

李子昂長七寸日行千里一日被海鵠吞之居鵠腹中三年不死

神異記

漢武故事東郡送一短人長七寸曰巨靈光武時潁川張仲師長二寸東方朔曰西北荒中有小人長七寸朱衣玄冠鶴國男

女皆長七寸海鵠吞之腹中不死

續博物志

索劍唾

齊莊公

莊公名光頃公之孫靈公之子景公之兄

之時有士曰

賓卑聚夢有壯士白縞之冠丹績之衻

衻纓

也

練布之衣新素履墨劍室從而叱之唾

其面惕然而寤

寤覺也

徒

徒但也

夢也終夜坐

不自快明日召其友而告之曰吾少好勇

年六十而無所挫辱今夜辱吾將索其形

期得之則可不得將死之每朝與其友俱  
立乎衢三日不得却一作退而自歿呂氏春秋

### 劒藏柱

干將莫邪爲晉君作劒三年而成旣成乃  
以雌獻君留其雄者因謂其妻曰吾藏劒  
在南山之陰北山之陽松生石上劒在其  
中矣君若覺恐殺我爾生男以告之及至  
君覺殺干將妻後生男名赤鼻具以告之



劍英

卷四

忠聽

五

辛庵草堂

赤鼻斫南山之松不得劍破屋柱中得之  
晉君夢一人眉廣三寸辭欲報仇寤而購  
求甚急鼻乃逃朱興山中

吳越春秋

楚干將莫邪爲楚王作劍三年乃成王怒  
欲殺之劍有雌雄其妻重身當產夫語妻  
曰吾爲王作劍三年乃成王怒往必殺我  
汝若生子是男大告之曰出戶望南山松  
生石上劍在其背于是即將雌劍往見楚

王王大怒使相之劍有二一雄一雌雌來  
雄不來王怒即殺之莫邪子名赤比後壯  
乃問其母曰吾父所在母曰汝父爲楚王  
作劍三年乃成王怒殺之去時囑我語汝  
子出戶望南山松生石上劍在其背于是  
子出戶南望不見有山但覩堂前松柱下  
石砥之上即以斧破其背得劍日夜思欲  
報楚王

搜神記

劍策

卷四

溫琰

六

翠帷堂

心 孕劒

眉間尺者眉間濶一尺楚人干將莫邪之子楚王夫人嘗干夏納涼而抱鍊柱心有  
所感遂懷孕產一鍊楚王命莫邪鑄爲雙  
劒三年乃成劒一雌一雄莫邪留雄而以  
雌進楚王劒在匣中常悲鳴王問群臣對  
曰劒有雌雄鳴者雌憶其雄王怒收莫邪  
殺之眉間尺因殺楚王

越絕書

# 劒頭相齧

眉間尺逃楚入山道逢一客客問曰子眉間尺乎荅曰是也客曰吾能爲子報仇尺曰父無分寸之罪枉被荼毒君今惠念何所用邪客曰須子之頭并子之劒尺乃與頭客持頭與王王大賞之即與鑊煮其頭七日七夜不爛客曰此頭不爛者王親臨之王即看之客于後以雄劒擬王王頭墜

入鑊中二頭相齧客恐尺不勝自以劍擬頭入鑊中三頭相咬七日後一時俱爛不可識別乃分其湯肉而葬之合在汝南北宜春縣界名曰三王冢也

述異記  
水經注

楚王夢見一兒眉間廣尺言欲報讎王即購之千金兒聳之亡去入山行歌客有逢者謂子年少何哭之甚悲耶曰吾子將莫邪子也楚王殺吾父吾欲報之客曰聳王

購子頭千金將子頭與劒來爲子報之兒  
曰幸甚即自刎兩手捧頭及劒奉之立僵  
客曰不負子也于是尸乃仆客持頭往見  
楚王王大喜客曰此乃勇士頭也當於湯  
鑊煮之王如其言煮頭三日三夕不爛頭  
踴出湯中躡目大怒客曰此兒頭不爛願  
王自往臨視之是必爛也王即臨之客以  
劒擬王王頭隨墮湯中客亦自擬已頭頭

劍筴

卷四

八

復墮湯中三首俱爛不可識別乃分其湯肉墓之故通名三王墓今在汝南北宜春

縣界

搜神記

劍寐龍

古邇茲國主阿主兒者有神異力能降伏毒蛇龍時有人買市人金銀珎貨至夜中錢並化爲炭境內數百家皆失金珎王有男先出家成阿羅漢舉王問之羅漢曰此

龍所爲居北山其頭若虎今在某處眠耳  
王乃易衣持劒默至龍所見龍臥將斬之  
思曰吾斬寐龍誰知吾有神力遂叱龍龍  
驚起化爲獅子王即乘其上龍怒作雷聲  
騰空至城北二十里王謂龍曰爾不降當  
斷爾頭龍懼王神力人語曰勿殺我我當  
與王爲乘欲有所向隨心即至王許之後  
遂乘龍而行

西陽雜俎



# 上陵磨劍

漢武帝崩後見形謂陵令薛平曰吾雖失  
勢猶爲汝君奈何令吏卒上吾隧磨刀劍  
乎自今已後可禁之平頓首謝因不見推  
問陵勿果有方石可以爲礪吏卒常盜磨  
刀劍霍光欲斬之張安世曰神道茫昧不  
宜爲法乃止故阮公詠懷詩曰失勢在須  
臾帶劍上吾丘

漢武故事  
水經註

# 拭劍得鐔

漢永平中會稽鍾離意字子阿爲魯相到  
官出私錢萬三千文付戶曹孔詡修夫子  
車身入廟拭几席劍履男子張伯除堂下  
草土中得玉璧七枚伯懷其一以六枚白  
意意今主簿安置几前孔子教授堂下床  
首有懸甕意召孔詡問此何甕也對曰夫  
子甕也背有丹書人莫敢發也意曰夫子

聖人所以遺甕欲以懸示後賢因發之中  
得素書文曰後世修吾書董仲舒護吾車  
拭吾履發吾笥會稽鍾離意壁有七張伯  
藏其一意即召問壁有七何藏一邪伯叩  
頭出之

搜神記

漢武帝時魯恭王壞孔子舊宅得尚書春  
秋論語孝經時人已不復知有古文謂之  
科斗書漢書秘之希有見者于時聞堂上

有金石絲竹之音乃不壞矣廟屋三間夫子在西門東向顏母在中間南面夫人隔東一間東向夫子牀前有石硯一枚作甚朴云平生時物也魯人藏孔子所乘車於廟中是顏路所請者也獻帝時廟遇火燒之永平中鍾離意爲魯相到官出私錢萬三千文付戶曹孔詵治夫子車身入廟拭几席劒履男子張伯除堂下艸土中得玉

璧七枚伯懷其一以六枚白意意令主簿  
安置几前孔子寢堂牀首有懸甕意召孔  
訢問何等甕也對曰夫子甕也背有丹書  
人勿敢發也意曰夫子聖人所以遺甕欲  
以懸示後賢耳發之中得素書文曰後世  
修吾書董仲舒護吾車拭吾履發吾笥會  
稽鍾離意璧有七張伯藏其一意即召問  
伯果服焉

水經注

曲房劒

會稽賀瑀字彥踞曾得疾不知人惟心下  
溫三日復蘇云吏人將上天見官府入曲  
房房中有層架其上層有印中層有劒使  
瑀惟意所取而短不及上層取劒以出門  
吏問何得云得劒曰恨不得印可策百神  
劒惟得使社公耳疾愈果有鬼來稱社公

搜神

記

劍走石人

漢光武夜至趙州南迷路聞人語問之弗應見二人立旁怒拔劍斬之其一急走孰

視之乃石也

東觀漢記

謹按故老相傳之說相鄉縣北十五里道旁有石人二裂成四段云是光武所斬疑謂此矣

月中人帶劍

尹思者字小龍安定人也晉元康五年正

月十五夜坐屋上遣兒視月中有異物否  
兒曰今年當大水中有一人披蓑帶劍思  
目視之曰將有亂卒至兒曰何以知之曰  
月中乃帶甲伏矛當大亂三十年後當小  
清耳後果如其言

晉書

### 星神劍

乙從官陰神也亢星神主之陰神四人姓  
扶名司馬赤身衣赤緹單衣帶劍亢星神



主之○戊從官陽神也心星神主之心星  
火也爲工故在東方陽神五人姓女名涂  
祖牛頭人身衣黃單衣帶劒心星神主之  
○寅從官孟神也虛星神主之槐者虛星  
之精也孟神四人姓木名徐它鼠頭人身  
衣銀黑單衣帶劒虛星神主之○卯從官  
仲神也危星神主之仲神十一人姓劉名  
歸生衣瓊紋單衣帶劒危星神主之○巳

從官孟神也東壁星神主之孟神七人姓  
石名蘇和豕頭人身衣黑單衣帶劒東壁  
星神主之○午從官仲神也奎星神主之  
仲神六人姓黑名石勝衣丹紗單衣帶劒  
奎星神主之○申從官孟神也胃星神主  
之孟神八人姓馮名謝君衣流黃單衣帶  
劒胃星神主之○戌從官季神也畢星神  
主之季神姓桑名公孫帶劒衣白毛單衣

畢星神主之○子從官仲神也參星神主  
之仲神八人姓銅名徐舒衣黃緋單衣帶  
劒參星神主之○丑從官季神也井星神  
主之季神九人名博陽衣黃水單衣帶劒  
能致鳳皇玄武東井星神主之○震乾之  
長男也鬼星神主之長男神五人姓作名  
涂干蛇頭黑身帶劒衣赤堊單衣鬼星神  
主之○離坤之中女翼星神主之中神十

十人姓張名奴子衣赭黑單衣帶劒翼星

神主之

雲笈七籤

### 使木人擲劒

馬鈞字德衡扶風人也巧思絕世爲博士居貧常思綾機之變舊綾機五十綜者五十躡鈞患其喪功費曰乃皆易以十二躡其奇文異變因感而作者猶自然之成形也爲給事中與常侍高堂隆驍騎將軍秦

朗爭論二子言古無指南車記言之虛也  
釣曰古有之未之思耳夫何遠之有隆朗  
以白曹叡叡使釣作之而指南車成時服  
其精妙釣居京師城內有地可以爲園患  
無水以灌之乃作翻車令童兒轉之而灌  
水自覆更出更入其巧百倍于常其後有  
上百戲者能設而不能動叡以問釣可動  
否對曰可動叡其巧可益否對曰可益受

詔作之以大木雕構使其形若輪平地施之潛以水發焉設爲女樂舞象至令木人擊鼓吹簫作山岳使木人跳丸擲劍緣繩倒立出入自在百官行署春磨鬪雞變巧百端獻大悅之釣見漢丞相諸葛亮連弩曰巧則巧矣未盡善也言之可令加五倍又患發石車敵人之于樓邈縣濕牛皮中之則墮石不能連屬而至欲作一輪縣大

石數十以機鼓輪爲則以斷縣石飛擊敵  
城使首尾電至嘗試以車輪縣瓴甓數十  
飛之數百步矣凡鈞之制造其巧妙雖古  
公輸班翟王爾亦不是過傳玄嘗爲之序  
云

魏志

### 劍當衢

晉沙門慧達姓劉名薩荷西河離石人也  
未出家時長于軍旅不聳佛法尚氣武好

畋獵年三十一暴病而死體尚溫柔家未殮至七日而穌說云將盡之時見有兩人執縛將去向西北行行路轉高稍得平衢兩邊列對見有一人執弓帶劍當衢而立指語兩人將荷西行見屋舍甚多白壁赤柱荷入一家有女子芙蓉服荷就乞食空中聲言勿與之也有人從地踊出執鋏杵將欲擊之荷遽走歷入十許家皆然遂無



所得復西北行見一嫗乘車與荷一卷書  
荷受之西至一家館宇華整有嫗坐于戶  
外口中虎牙屋內床帳光麗竹席青几復  
有女子處之問荷得書來不荷以書卷與  
之女取餘書比之俄見兩沙門謂荷汝識  
我不荷答不識沙門曰今宜歸命釋迦文  
佛荷如言發念乃遣荷去入一大城有人  
居焉謂荷曰汝受輕罪又得還生是福力

所扶而今以後復作罪不乃遣人送荀遙  
見故身意不欲還送人推引久久乃附形  
而得蘇活奉法精勤遂即出家字曰慧達  
太元末尚在京師後往許昌不知所終

冥錄

### 鐵中人帶劒

晉世祖於其住堂內得異錢文爲北斗星

形雙旗及有人形帶劒

南史齊本紀

宋明帝泰始中齊世祖於青溪宅得錢一枚文有北斗七星雙節又有人形帶劍

齊南

祥瑞志

謹按泉志玄武錢徑二十重八銖文永通萬國背文爲玄武星劍之象軒轅錢徑一十重五銖面文爲北斗軒轅之象背文爲矛盾龍鳳之形謂之北斗星錢又四出錢背文爲北斗七星者或云王莽所鑄

靈坐劍

北隋周羅暉字公布九江人年十五善騎

射好鷹狗任俠放蕩收聚亡命陰習兵書  
從祖景彥誡之曰吾世恭謹汝獨放縱若  
不喪身必將滅吾族羅暉終不改仕陳爲  
句容令後從大都督吳明徹與齊師戰于  
江陽爲流矢中左目齊師之圍明徹於宿  
預也諸軍相顧莫有鬪心羅暉躍馬突進  
莫不拔靡太僕卿蕭摩訶副之斬首不可  
勝計進師徐州與周將梁士彥戰于彭城

摩訶臨陣墮馬羅喉進救之於重圍之內  
勇冠三軍明徹之敗羅喉全衆而歸後以  
軍功進爵爲侯時叅宴席陳主曰周左軍  
武將詩每前成文士何爲後也都官尚書  
孔範曰周羅喉執筆製詩還如上馬入陣  
不在人後自是益見親禮及隋代陳羅喉  
都督巴峽緣江諸軍事以拒秦王俊及陳  
王被禽上江猶不下晉王廣遣陳王手書

命之羅暉與諸將大臨三日放兵士散然  
後乃降文帝慰喻之煬帝即位副楊素討  
平漢王諒進授上大將軍及陳主卒羅暉  
請一臨哭帝許之衰經送至墓窆還釋服  
而後入朝帝甚嘉尚之世論稱其有禮時  
諒餘黨據絳州未下詔羅暉行晉絳州諸  
軍事進兵圍之中流矢卒送柩還京行數  
里無故與馬自止策之不動有飄風旋繞

焉絳州長史郭雅稽首祝曰公恨小寇未  
平邪尋即除殄無爲戀恨是時風靜馬行  
見者莫不悲歎其年七月子仲隱夢羅睺  
曰我明日當戰其靈坐所有弓箭刀劍無  
故自動若人帶持之狀絳州城陷是其日  
也

隋書

### 舞劍煞鬼

有嘉良夷者蜀郡西北二千餘里其俗皆

輕捷便擊劒有死者無服制置尸高床之上沐浴裝衣服以牟甲覆以獸皮子孫不哭帶甲舞劒而呼云我父爲鬼所取我欲報冤殺鬼自餘親戚哭三聲而止

### 罽孟劒

梁天監五年丹陽山南得瓦物高五尺圍四尺上銳下平蓋如合焉中得劒一瓷具數十時人莫識沈約云此東夷罽孟也葬



則用之代棺此制度卑小則隨當時矣東夷死則坐葬之武帝服其博識語在江右

雜事

史系

### 鳥吞劍

真臘國有葛浪山高萬丈半腹有洞先有浪鳥狀似老鴟大如駱駝人過則攫而食之騰空而去百姓苦之真臘國王取牛肉中安小劍子兩頭尖利令人載行鳥攫而

吞之無後種矣

外國傳

泥犁火劍

趙泰字文和清河貝丘人公府辟不就精進典籍鄉黨稱名年三十五宋太始五年七月十三日夜半忽心痛而死心上微煖身體屈伸停尸十日氣從咽喉如雷鳴眼開索水飲飲訖便起坐說死時曾到泥犁地獄男子六千人有火剄從橫五十餘步

高千丈四邊皆有劔封上然火其下十  
五五墮火劔上貫其身體云此人呪咀罵  
詈奪人財物假傷善良泰見父母及一弟  
在此獄中涕泣

晉趙泰精思典籍有譽鄉里嘗晚乃膺仕  
終於中散大夫泰年三十五時嘗卒心痛  
須臾而死下尸於地心煖不已屈伸隨人  
留尸十日平旦喉中有聲如雨俄而蘇活

說初死之時夢有一人來近心下復有一人乘黃從者二人夾扶泰掖徑將東行不知可幾里至一大城崔嵬高峻城邑青黑狀錫將泰向城門入經兩重門有瓦屋可數千間男女大人亦數千人行列而立吏着皂衣有五六人條疏姓字云當以科呈府君泰名在三十須臾將泰與數千人男女一時俱進府君西向坐簡視名簿訖復

遣泰南入黑門有人着絳衣坐大屋下以  
吹呼名問生時所事作何罪行何福善諦  
汝等辭以實言也此恒遣六部使者常在  
人間疏記善惡具有條狀不可得虛泰答  
父兄仕宦皆二千石我少在家脩學而日  
無所事也亦不犯惡乃遣泰爲水官監作  
使將二千餘人運沙裨岼晝夜勤苦後轉  
泰水官都督知諸獄事給泰馬兵令案行

地獄所至諸獄楚毒各殊或針貫其舌流血竟體或被頭露髮裸形徒跣相牽而行有持大杖從後催促鐵牀銅柱燒之洞然驅迫此人抱臥其上赴即焦爛尋復還生或炎爐巨鑊焚煮罪人身首碎墜隨沸翻轉有鬼持叉倚于其側有三四百人立于一面次當入鑊相抱悲泣或劒剄高不知限量根莖枝葉皆劒爲之人衆相訾自登

自攀若有欣意而身首割截尺寸離斷泰  
見祖父母及二弟在此獄中相見涕泣臨  
別主者曰已見地獄罪報如是當告世人  
皆令作善善惡隨人可不慎乎

冥祥記

奮劍斬麴生

燕國公張說嘗詣景龍觀謁葉法師上命  
酒說曰旣無它客師曰此有麴處士者久  
隱山林惟謹而訥頗耽于酒鍾石可也說

請召之斯須而至其形不及三尺而腰帶  
數圍使坐于下拜揖之禮頗魯村酒至栝  
孟皆盡而神色不動燕公將去師忽奮劒  
叱麴生曰曾無高談廣論惟沈湎于酒亦  
何用哉因斬之乃巨儒而已

仙傳拾遺記  
集異記並見

### 跳劒

隋煬帝以三月上巳會羣臣于曲水以觀  
水飾總七十二勢皆刻木爲之或乘舟或



乘山或乘平洲或乘磐石或乘宮殿木人  
長二尺許衣以綺羅褰以金碧及作雜禽  
獸魚鳥皆能運動如生隨曲水而行又間  
以妓航與水飾相次亦作十二航航長一  
丈濶六尺木人奏音聲擊磬撞鐘彈箏鼓  
瑟皆得成曲及爲百戲跳劍舞輪升竿擲  
繩皆如生無異又作小舸子長八尺木人  
長二尺許乘此船以行酒每一船一人擎

酒杯立于船頭一人捧酒鉢次立一人撐船在船後二人盪槳在中央遶曲水池廻曲之處各坐侍宴賓客其行酒船隨舦而行行疾於水飾水飾行遶池一匝酒船得三遍乃得同止酒船每到坐客之處即停侍酒人于船頭伸手遇坐客取酒飲訖還杯木人受杯廻身向酒鉢之人取杓斟酒滿杯船依式自行每到坐客處例皆

如前法並水中安機皆黃袞所造也

大業拾遺

### 劒魚

唐李林甫作相時酷嗜鯽魚有客因貴人書餽遺甚腆中有鯽魚百頭客退李還見魚干拌中跳躍如舞尊俎狀李令人悉投之池取最後十頭烹之纔下箸及腹忽小劒數百徑戛爭飛交着李額漸入竅中竟不能拔由是忿恚驚悸卒至不起

唐小說

謹按唐書載李林甫于岫爲將作監嘗  
從林甫遊園指役夫言于林甫曰大人  
之處釣鉞怨仇滿天下一朝禍至欲爲  
此得乎林甫不樂曰勢已如此將若之  
何先是宰相皆以德度自處不事威勢  
驕從不過數人土民或不知避林甫自  
以多結怨常虞刺客出則步騎百餘人  
爲左右翼金吾靜街前驅在數百步外  
公卿走避居則重關複壁以石甃地牆  
中置板如防大敵一夕屢徙床雖家人  
莫知處宰相驕從之盛自林甫始也嗟  
乎平居防劒如敵國不知奸人刺客乃  
在鼎俎之上豈非天哉豈非天哉劒伎  
神妙莫過于唐人惜乎專諸刺王僚時  
不講其術

逐鵝得劍

鄖縣有後漢奴官冢初村人田于其側每至秋穫近冢地多失稂不稔積數歲已苦之後恒夜往伺之見四大鵝從冢中出食禾逐即入去村人素聞奴官冢有珪乃相詰問之初入埏前見有鵝鼓翅擊人賊以棒反擊之皆不復動乃銅鵝也稍稍入外廳得瑤劍二枚其它器物不可識者甚衆

次至大藏水深有紫衣人當門立與賊相  
擊賊等羣爭往擊次其人衝賊走出入縣  
大叫云賊劫吾墓門主者曰君墓安在荅  
曰正奴冢是也縣令使里長逐賊至皆  
禽之開元初刺史進三十餘事

廣異記

### 冢中人運劍

劉晏判官李邕莊在高陵莊客懸欠租課  
積五六年邕因官罷歸莊方欲勘責見倉

庫盈羨輸尚未畢邈怪問悉曰某作端公  
莊客二三年矣久爲盜近開一古墓冢西  
去莊十里極高大入松林二百步方至墓  
墓側有碑斷倒草中字歷滅不可讀初旁  
掘數十丈遇一石門固以鑊汁累日洋糞  
沃之方開開時箭出如雨射殺數人衆懼  
欲出某審無它必機關耳乃令投石其中  
每投箭輒出投十餘石箭不復發因列炬

而入至開第二重門有木人數十張目運  
劍又傷數人衆以棒擊之兵仗悉落四壁  
各畫兵衛之像南壁有大漆棺懸以鍊索  
其下金玉珠璣堆集衆懼未即掠之棺兩  
角忽颯颯風起有沙迸撲人面須臾風甚  
沙出如注遂投至膝衆皆恐走比出門已  
塞矣一人復後一日爲沙埋死乃同酌地謝  
之誓不發冢

酉陽雜俎



劍剖涎中人

天寶中有渤海高生者亡其名病熱而瘠其臆痛不可忍召醫視之醫曰有鬼在臆中藥亦可療於是煮藥而飲之忽覺臆中動搖有頃嘔涎斗餘其中凝固不可解以刃剖之有一人自涎中起初甚么麼俄長數尺高生欲苦之其人起出降階遽不見自是疾愈

宣室志

# 天人看劍

唐鄭雲逵少時得一劍鱗缺星鐔有時而  
吼嘗在庄居晴日藉鄰玩之忽有一人從  
庭剗窅然而下紫衣朱幘虬髮露劍而立  
黑氣周身狀如重霧鄭素有膽氣佯若不  
見其人因言我上界人知公有異劍願借  
一觀鄭謂曰此凡缺耳君居上界豈藉此  
邪其人求之不已鄭伺便良久疾起斫之

不中忽墮黑氣着地數日方散

酉陽雜俎

### 劒如風

李道咸通末爲鳳翔府府曹因推發掘冢  
賊問其所發云數爲盜三十年咸陽之北  
岐山之東陵域之外古冢皆開發矣又問  
其所得之物云嘗入一冢自埏道直下三  
十餘尺得一石門以物開之門內箭出不  
已如是百餘發不復有箭矣遂以物撞開

之一盜先入俄爲輪劒所中倒死于地門  
內十餘木人周轉運劒其疾如風勢不可  
近盜以木橫拒之機關遂定盡拔去其刃  
亦不復能轉因至其中但見帳幄儼然繡  
褥舒展遍於座上有漆燈甚明木偶人與  
姬妾皆偶去地丈餘有皮裹棺柩鍊索縣  
挂焉即以木撞之纔動其館即有砂流下  
如水逡巡不可止流溢四面奔馳出門砂

已深二尺餘矣良久視之砂滿冢內不可  
復入竟不知何人之墓也又一墓在咸陽  
原上旣入得鏡兩面可照入鼻在側畔背  
面瑩潔如新磨畢以面照之如常無異以  
背照之形狀備足衣冠儼然而倒立也

錄異

記

### 劒壺

唐曹州離狐人裴則男貞觀末年二十一

日歿經三日而穌自云初歿被一人將至王所王衣白非常鮮潔王遣此人將牛耕地此人許云兄弟幼小無人扶持二親王即憫之乃遣使將向南至第三重門入見鑊湯及刀山劒剄又見數千人頭皆被斬布列地上此頭並口云大飢當村有一老母年向七十其時猶未死遂見在鑊湯前然火觀望訖還至王前見同村人張成亦

未死有一人訴成云毀破某屋王遣使檢  
之報云是實成曰成犁地不覺犁破其冢  
非故然也王曰汝雖非故心終爲不謹耳  
遂令人杖其腰七下有頃王曰汝更無事  
放汝早還王乃使人送去遣北出踰牆及  
登牆望見其舍遂聞哭聲乃跳下牆忽覺  
起坐既蘇之後具爲鄉曲言之邑人視張  
成腰上有七下杖迹迹極青黑問其毀墓

答云不虛老母尋病未幾而死

冥報拾遺

### 飛劍刺鼉城

唐貞元中湘澤有一媼不云姓字但稱湘媼常居止人舍十有餘載矣嘗以丹篆文字救疾于閭里莫不向應鄉人敬之爲結構御名華屋數間而奉媼媼曰不然但上木其宇是所願也媼髻翠如雲肥潔如雪策杖曳履日可數百里忽遇里人女名曰



逍遙年二十八豔美攜筐采菊偶媼瞪視足  
不能移媼目之曰汝乃愛我可同之所止  
否逍遙欣然擲筐歛衽稱弟子從媼歸室  
父母奔追及以杖擊之叱而返舍逍遙操  
益堅竊索自縊親黨敦喻其父母請縱之  
度不可制遂捨之復詣媼但帚塵易水焚  
香讀道經而已後月餘媼白鄉人曰某暫  
之羅浮扃其戶慎勿開也鄉人問逍遙何

之曰前往如是三稔人但于戶外窺見小  
松迸笋而叢生堦砌及媼歸召鄉人同開  
鎖見逍遙惜坐于室貌若平日唯蒲履爲  
竹稍串于棟宇間媼遂以杖叩地曰吾至  
汝可覺逍遙如寐醒方起將欲拜忽遺左  
足如削于地媼遽令無動拾足勘膝嘆之  
以水乃如故鄉人大駭敬之如神相率數  
百里皆歸之媼貌甚閑暇不喜人之多相

劍筴

卷四

濫聽

古

翠幄草堂  
二十六

識忽告鄉人曰吾欲往洞庭救百餘人性  
命誰有心爲我設船一隻一兩日可同觀  
之有里人張拱家富請具舟楫自駕而送  
之欲至洞庭前一日有大風濤蹙一巨舟  
沒于君山島上而碎載數十家近百餘人  
然不至損未有舟楫來救各星居于島上  
忽有一白鼉長丈餘遊于沙上數十人攔  
之撾殺分食其肉明日有城如雪圍繞島

上人家莫辨其城漸窄挾束島上忙怖號  
叫囊橐皆爲罄糝束其人爲簇其廣不三  
數丈又不可扳援勢已緊急岳陽之人亦  
遙觀雪城莫能曉也時媼舟已至岸媼遂  
登島攘劒步罡嘿水飛劒而刺之白城一  
聲如霹靂城遂崩乃一大白鼉長十餘丈  
蜿蜒而斃劒立其胸遂救百餘人之性命  
不然頃刻即拘束爲血肉矣島上之人咸  
劍筴

號泣禮謝命拱之舟返湘潭拱不忍便去  
忽有道士與媪相遇曰樊姑爾許時何處  
來甚相慰悅拱詰之道士曰劉綱真君之  
妻樊夫人也後人方知媪即樊夫人也拱  
遂歸湘潭後媪與逍遙一時返真女仙傳

劍斷大人指

六軍使西門思恭常銜命使于新羅風水  
不便累月漂泛于滄溟罔知邊際忽南抵

一岸亦有田疇物景遂登陸四望俄有一  
大人身長五六丈衣裾差異聲如震雷下  
顧西門有如驚歎于昔以五指撮而提行  
百餘里入一巖洞間見其長幼群聚遞相  
呼集競來看玩言語莫能辨皆有歡喜之  
容如獲異物遂掘一坑而寘之亦來看守  
之信宿之後遂攀緣躍出其坑逕尋舊路  
而竄纔跳入船大人已逐而及之矣便以

巨手攀其船舷于是揮劍斷下三指指粗  
于今槌帛棒大人失指而退遂解纜舟中  
水盡糧竭經月無食以身上衣服嚙而嚼  
之後得達北岸遂進其三指漆而藏于肉  
庫泊拜主軍寧以金玉遺人平生不以飲  
饌食客爲省其絕糧之難也

王堂  
閒話

戲場劍

唐貞元中有乞者解如海其手自臂而墮

足自脛而脫善擊毬樗蒲戲又善劒舞數  
舟丸挾二妻生子數人至元和末猶在長  
安戲場中日集數千人觀之

獨異志

### 黃腰劒

金統水在金州巢寇犯闕之年有崔某爲  
安康守大駕已幸岷峨惟金州地僻戶口  
晏如忽有一道人詣崔言事曰方今中原  
版蕩乘輿播遷宗社陵夷鞠爲茂草使君



豈無心殄寇乎崔曰泰山旣隕一木搯之  
可乎客曰不然所言殄者不必以劒戟爭  
鋒刀戰原堃崔曰公將如何客曰使君境  
內有黃巢谷金統水知之乎曰不知請詢  
其州人州人曰有之客曰巢賊稟此而生  
請使君差丁役賁畚鍤同往掘之必有所  
得乃去州數百里深山中果有此名號在  
客遂令尋源而斲之僞使斲其山岡窮其

泉源泉源中有一窟窟中有一黃腰人既  
逼之遂舉身自撲吻然而卒穴中又獲瑤  
劍一客又曰吾爲天下破賊訖崔遂西向  
進劍及黃腰未逾劍利聞巢賊已平大駕

復國矣

王氏見  
聞錄

黃巢亂有太白山人謁州刺史崔堯封云  
掘破牛山賊自敗崔遂發卒掘之得一石  
桶桶中有黃腰獸一劍一獸見劍自撲而

劍筴

卷四

六

四百六

死巢至秋果敗

眞眞避劍

唐進士趙顏于畫工處得一輭障圖婦人甚麗顏謂畫工曰並無其人也畫工曰余神畫也此名眞眞呼其名百日晝夜不歇則必應之應則以百家綵灰酒灌之必活顏如其言遂呼之活下步言笑飲食如常曰謝君召妾妾願事箕帚終歲生一兒兒

年兩歲友人曰此妖也必與君爲患余有神劍可斬之其夕遺顏劍及顏室真真乃曰妾南岳地仙也夫何爲人畫妾之形君又呼妾名既不奪君願君今疑妾妾不可住言訖攜其子却上軟障嘔出先所飲百家酒覩其障惟添一孩子焉

聞奇錄

### 像代劍

有村婦鋤桑拾得一銅觀音像剗壁作穴

安之每有食饌不惟蔬菽魚肉之類皆將  
供養嫗有子時在潘對軍前日夕祝之保  
其安寧其子當陣之際倒于草間聞背上  
連下三劍似擊銅器聲戰罷起身看上並  
無斫痕其母此日見銅像落在地背上有  
三刀痕罔知其由至子回說其事方知神  
助耳

雨爲劍

結骨國每雨收爲刃劒極銛利

王會圖

### 劒迹

鮮于伯幾有震琴云是許旌陽手植桐作  
琴背旌陽印劒之迹宛然

雲霞過  
眼錄

### 試劒石

伏波岩有懸如柱去地一線不合俗名馬

伏波試劒

國老  
談苑

試劒石不獨虎丘有之武夷山六曲邊有

控霍仙人試劒石又武昌縣郭外西子蘇  
子瞻建九曲亭其亭旁有孫權宮亦有試  
劒石山西亦有楊六郎試劒石

一統志